

Message Six

Sumsing Hta Mung, Ga NTsa Hta Mung Ahkang Aya Yawng hpe Hkam la lu Ai Mădu Hku Nna Hkristu

Hti na chyum daw - Mat.7:29, 21:24, Luk, 5:24, Rom, 9:21-22, Heb.13:17

- I. Anhte gaw ahkang aya a lăchyum hpaw hpyan lam hpe mu na mătu ra kădawn ai- Mat. 7:29.
 - A. Ahkang aya a kăja dik ai lăchyum hpaw hpyan lam gaw aming jaw na mătu, daw dan ya na mătu, mădat măra ra na atsam (snr) ahkang aya nga ai lam rai nna, kălang lang atsam dă-gu (snr) kung kyang lu ai mădung shăra măsa kaw na paw pru wa ai lam rai nga ai.
 - B. Chyum laika hta *ahkang aya* gaw “atsam hpe shaman shăkyang na mătu laikyang hte seng ai ahkang aya rai nna, dai gaw jăhtum htum hku nna Kărai Kăsang kaw na yu wa nhtawm, Kărai Kăsang hte npawt hpang ai lam rai nga ai.”
- II. Kărai Kăsang gaw ahkang aya tsaw dik rai nga ai. Mădu hta ahkang aya yawng nga ai- Rom.9:21-22.
 - A. Kărai Kăsang a ahkang aya gaw Kărai Kăsang Shi hkum nan hpe gawng mălai tai ya ai. Kărai Kăsang a atsam gaw Kărai Kăsang a bungli ni hpe sha mălai tai ya ai- Mat.21:24. Luk.5:24.
 - B. Kărai Kăsang a ahkang aya gaw teng ai măbyin hta Kărai Kăsang Shi hkum nan re. Ahkang aya gaw Kărai Kăsang a măbyin nan hta paw pru wa ai- Shr.22:1.
 - C. Ahkang aya nga mănğa – Wenyi hte seng ai, mădung shăra măsa hte seng ai hte up hkan lam- ni gaw Kărai Kăsang hta na yu hkrat wa ai- 2Ko.10:8, 13:10. Yhn.19:10-11. Nin.9:6.
 - D. Anhte gaw Kărai Kăsang a ahkang aya hpe kăhtawk hkra ai shăloi, Kărai Kăsang Shi hkum nan hpe kăhtawk hkra ai lam re – Esa. 6:1-5.
 1. Kărai Kăsang a ahkang aya hpe hkrum hkra ai lam gaw Kărai Kăsang hpe hkrum hkra ai lam hte bung nga ai – Amo.4:12.
 2. Kărai Kăsang a ahkang aya hpe roi nra gălaw ai lam gaw Kărai Kăsang Shi hkum nan hpe shut hpyit roi nra di ai lam hte mären re.
 - E. Anhte hte Kărai Kăsang a măkyit măhkai ai ahkang aya hpe kăhtawk hkra ai lam hta grau ahkyak ai lam hpa n nga ai – Ksa. 9:5. Mat.11:25.
 - F. Ahkang aya hpe chye chyang ai lam gaw shinggan daw shărin achyin lam ngu na hta; kăta daw hpaw hpyan lam she rai nga ai – Ksa 22:6-16.
 - G. Kărai Kăsang nan chyu sha măscha hpang de ading tawk ahkang aya nga ai. Kăga ahkang aya yawng gaw ading tawk n re ai ahkang aya ni- Kărai Kăsang ě ap jaw da ai gawng mălai ahkang aya ni, mălai ap jaw tawn da ai ahkang aya ni rai nga ai – Dan. 4:32, 34-37.
 1. Anhte gaw Kărai Kăsang a ahkang aya hpe hkrum hkra lu yang she Kărai Kăsang ap jaw tawn da ai; gawng mălai ahkang aya ni hpang anhte mădat măra chye wa na re – Mat. 28:18, Heb. 13:17, 1Pe. 5:5.
 2. Kărai Kăsang gaw; anhte Mădu hpang sha n-ga, gawng mălai ahkang aya yawng hpang de mung mădat măra ai lam nga na mătu hpyi shawn ai – Rom.13: 1-7, 2Ko. 10:8, 13:10. Heb.13:17.
 3. Kărai Kăsang a ading tawk nre ai ahkang aya hpang de mădat măra ai lam n nga ai shanhte gaw Kărai Kăsang a ading tawk ahkang aya hpang de mădat măra ai lam mung n nga ai.
 4. Kărai Kăsang gaw anhte hpe ading tawk nre ai ahkang aya – gawng mălai ahkang aya ni – hpang de mădat măra lam nga shăngun măyu ai, shăloi she anhte gaw Wenyi hte seng ai pawn ba mădi shădaw lam hpe lu la na re.
 - H. Anhte yawng ahkang aya hpe hkrum hkra ra ai, Kărai Kăsang hku nna shădawn măsat shăgyip shăgyeng hkrum ra ai, Mădu a gawng mălai ahkang aya hte woi awn hkam ra ai – Esa. 37:16, Hpl. 2:12. Heb. 13:17.

- III. Ninggawn ta-wa hta kāba la ai mādung mähkrun lam lähkawng nga ai – Kārai Kāsang a ahkang aya hte Satan a gum lang ai lam rai nga ai. Kārai Kāsang hte Satan a läpran shingdaw nlu ai dingnang hkat ai lam gaw ahkang aya hte seng nga ai – Ksa,26:18. Kol,1:13.
- A. Gumlang ai lam gaw Kārai Kāsang a ahkang aya hpe nyet kau ai lam hte Kārai Kāsang up hkan ai lam hpe kābai kau ai lam rai nga ai.
 1. Satan gaw npawt nhpan hta Kārai Kāsang hpan da ai lämu kasa re, rai tim shi a gumrawng ai a mājaw tinang dinghkrai hpe shākawn la nna, Kārai Kāsang a up hkan lam hpe tawt lai let, Kārai Kāsang hpe ning hkap ai, Kārai kāsang a hpyen byin wa nhtawm, tinang dinghkrai mungdan hpe gaw de wu ai – Esa, 14:12-14. Eze, 28:2-19. Mat, 12:26.
 2. Masha gaw yubak galaw ai shaloi shi gaw Kārai Kāsang hpe ninghkap nna, Kārai Kāsang a ahkang aya hpe nyet kau let, Kārai Kāsang a up hkan lam hpe kābai kau wu ai. Babela hta masha ni gaw Kārai Kāsang a ahkang aya hpe lämu ga ntsa hta na dawm la kau na mätu Kārai Kāsang hpe chyawm ninghkap ma ai – Nin, 3:1-6. 11:1-9.
 - B. Satan gaw Kārai Kāsang a ahkang aya hpe ninghkap gumlang nna, masha gaw Mädu hpe ninghkap gumlang ai lam hku nna Mädu a ahkang aya hpe shut hpyit tawt lai wa ai raitim, Kārai Kāsang gaw dai ninghkap lam hpe mätut nna grin nga shängun na n rai nga ai. Mädu gaw lämu ga ntsa hta Mädu a mungdan hpe gawgap na re – Shr, 11:15.
 - C. Ning gawn ta-wa a ningdang ai lam kā-ang dāju gaw kādai hta ahkang aya nga ai lam hte mätut mänöi nga ai – 4:2-3.
 1. Anhte gaw; ahkang aya gaw Kārai Kāsang hte arau nga ai lam gwi gwi tsun ai hte Satan hpe ninghkap gäsar ai – Ksa, 17:24,30.
 2. Anhte gaw Kārai Kāsang a ahkang aya hpan de tinang hkum tinang yin la let, Kārai Kāsang a ahkang aya hpe jai lang hkan zing da ra ai – Mat, 11:25.
 - D. Ninghkap ai mära gaw kāga hpa mära hpan hta rai tim grau nna tsang ra nga ai – 1sa, 15:23.
- IV. Ahkang aya (gawng mälai ahkang aya) hte Kārai Kāsang hpe gawng mälai tai ya ai masha gaw npu hta hpaw mädun da ai atsam märai ni nga ra ai.
- A. Shi gaw ahkang aya hpan yin la lam nga ra ai – Mat, 8:8-9.
 - B. Shi gaw tinang hta hpa ahkang aya mung n nga ai hpe chyē na ra ai – 28:18. 2Ko,10:8. 13:10.
 - C. Shi gaw Kārai Kāsang a ra shārawng lam hpe chye ra ai – Eph. 1:9,5:17.
 - D. Shi gaw tinggyeng myit hpe nyet kau ai wa rai ra ai – Mat.16:24.
 - E. Shi gaw Mädu Kārai hte längai sha rai nna, Mädu Kārai hte arau mätut mänöi, hkau chyap ai kănawn mäum lam hta asak hkrung ra ai – 1Ko. 6:17. 1:9. 1Yhn.1:3.
 - F. Shi gaw kätä daw hkam sha lam hte seng ai wa n mai tai ai, tinang dinghkrai hkam sha lam hku sha gälaw ai lam n mai ai – 2Ko.3:5.
 - G. Shi gaw kāga masha ni hte hpāran hpāreng ai lam hta mätsan dum läma ai lam hte myit ning mu kāba ai lam nga ra ai – Luk, 6:35. Mädun; Rom.5:15-16. 1Ko: 2:12.
 - H. Shi gaw Bai hkrung rawt ai lam hta nga ai masha rai nna, Hkristu Bai hkrung rawt ai asak hta asak hkrung ra ai – 2Ko. 1:9. 4:14.
 - I. Shi gaw Kārai Kāsang man hta shāgrit shānem lam hpe la lang ra ai – Bhk. 14:5. 16:3-4,22,45. Mat: 11:29. Rom, 12:16. Luk, 14:7-11. 1Pe, 5:5-6.
 - J. Shi gaw shut hpyit roi nra gälaw lam ni hpe hkam shārang ai atsam nga ra ai – Pru; 16:7. Bhk; 14:2,5,9,27. Mat; 6:14-15. 1Ko,4:6-13.
 - K. Shi gaw tinang a ndang di lu ai lam hte teng man htap htuk ai lam hpe chye ai lam nga ra ai – Pru; 3:11. 4:6-7,10, 2Ko, 3:5. 1Ko, 15:10.
 - L. Shi gaw Kārai Kāsang hpe teng man htap htuk ai gawng mälai tai ai wa rai ra ai – Bhk. 20:2-13, 2Ko. 5:18,20. Eph.6:20.
- V. Ahkyak dik htum ai akyu hpyi lam hte Wenyi mäsa lam nga ai akyu hpyi lam gaw ahkang aya a akyu hpyi ai lam rai nga ai – Mat.18:18, Mar.11:20-24.

- A. Ahkang aya a akyu hpyi ai lam gaw ahkang aya a ntsa mädung nga ai aming jaw ai lam re – Esa. 45:11. Mar. 11:20-24.
1. Ahkang aya a akyu hpyi ai lam gaw aming jaw ai akyu hpyi lam re – Esa. 45:11.
 2. Anhte gaw Kārai Kāsang a man hta namnak rawng ai, mānu dan ai akyu hpyi lam ni nga māyu ai rai yang, Kārai Kāsang man hta anhte gaw ahkang aya nga ai aming jaw ai lam nkau mi hpe jaw lu ai atsam nga ra ai – Mar. 11:23.
- B. Ahkang aya a akyu hpyi ai lam gaw mawn nsam lähkawng nga ai – gyit hkang ai lam hte raw kau ya ai lam rai nga ai – Mat. 18:18.
1. Yu māya akyu hpyi ai lam gaw Kārai Kāsang hpe gyit hkang na hte raw dat ya na mätu hpyi shawn ai akyu hpyi lam ni rai nga ai.
 2. Ahkang aya hte akyu hpyi ai lam ni gaw; anhte gaw ahkang aya hpe shaman ai hku nna gyit hkang ai lam hte raw dat kau ya ai lam gälaw ai akyu hpyi lam ni rai nga ai.
- C. Ahkang aya hte akyu hpyi ai lam gaw Mrk 11:20-24 a akyu hpyi ai lam hpe akyu hpyi ai rai nga ai – dai gaw Kārai Kāsang hpang de mädung ai akyu hpyi lam n re sha, “dai bum” de mädung ai akyu hpyi lam re – Kāji.23.
1. Ahkang aya hte akyu hpyi ai lam gaw Kārai Kāsang hpe läma ma gälaw na mätu hpyi ai lam nre, de mälai dai gaw Kārai Kāsang a ahkang aya hpe shaman nna, mang hkang ni hte yeng seng kau hkrum ai lam ni hpe hparan hpäreng na mätu dai ahkang aya hpe jai lang ai lam rai nga ai – kāji.23.
 2. Ahkang aya hte akyu hpyi ai lam gaw Kārai Kāsang hpang de ading tawk hpyi shawn lam n rai nga ai, de a mälai dai gaw Kārai Kāsang a ahkang aya hpe ading tawk jai lang ai hku nna manghkang hpe hpäran hpäreng ai lam rai nga ai – Pru.14:15-27.
 3. Dang lu ai ni a ahkyak dik ai bungli gaw tingnyang a ahkang aya hpe lämu ga n-tsa de la sa wa na mätu re. Anhte dang lu ai ni byin māyu yang ahkang aya hte akyu hpyi na mätu hte dai bum hpe ga shäga na mätu anhte shärin la ra ai – Shr. 11:15, 12:10.
- D. Hpung gaw ahkang aya hte akyu hpyi ai shäloi dai gaw kätsan ga ntsa up hkang nga ai – Mat. 16:18.
1. Hpung gaw Satan hte seng ai lam mähkra a ntsa up hkang na mätu ahkang aya nga ai.
 2. Hpung gaw akyu hpyi ai lädat hku nna nat mätse ni a shämu shämawt lam yawng hpe dang lu kä-up lu ra nna, akyu hpyi ai lam hta up hkang ning ngai nga ai lam hpe shaman ai lam nga ra ai – Luk. 10:17-19. Mat. 18:18.
- E. Anhte gaw ahkang aya akyu hpyi lam hpe akyu hpyi māyu yang anhte shawng nnan tinang hkum tinang Kārai Kāsang a ahkang aya hpang yin la ra ai. Anhte gaw Mädu a mābyin mäsa hte seng nna Kārai Kāsang a ahkang aya hpang de yin la ai lam, anhte shäni shägu asak hkrung ai lam hte tätut re ai lam yawng hta Mädu a ahkang aya hpang yin la lam n nga yang, anhte gaw ahkang aya hte akyu hpyi lu na n rai nga ai – Esa. 45:11, 1Pe. 5:6, Shr. 22:1.
- F. Ahkang aya a akyu hpyi ai lam gaw sumsing hpe de a npawt hpang ai lam, lämu ga hpe de a jähtum na bandung hku nna tawn da ai – Smg.4:8, 6:10. Eph.1:22-23. 2:6, 6:18.
1. Ahkang aya hte akyu hpyi ai lam gaw sumsing kaw na ga ntsa de akyu hpyi ai lam rai nga ai. Dai gaw sumsing hte seng ai shära mäsa hta npawt hpang nhtawm sumsing kaw na ga ntsa de yu mat wa ai – 2:6.
 2. Npu de akyu hpyi ai lam gaw sumsing hte seng ai lam hta Hkristu jaw da ai tsang mädang hta tsap nga nna, Satan hpe ahkang aya hte aming jaw ai lam, shi a gälaw ai lam yawng hpe käbai kau ai lam, Kārai Kāsang mätsun da ai lam yawng gaw ngut kre hpring tsup ging ai lam ahkang aya hte ndau ai lam rai nga ai – Mat. 6:9-10.
- G. Akyu hpyi ai lam a tsang mädang gaw lung mat ai lam rai nna, akyu hpyi ai lam a ahkang aya mung lung mat ai lam re ai. Lung mat ai lam hta nga ai akyu hpyi ai lam yawng gaw ahkang aya a akyu hpyi ai lam ni rai nga ai – Eph. 2:6, 1:22-23.
1. Ahkang aya a akyu hpyi ai lam gaw lung mat ai tsang mädang hta tsap nga ai a jaw e aming jaw ai lam gälaw lu ai shi a mārang e akyu hpyi lam rai nga ai – Esa. 45:11.

2. Anhte gaw lung mat ai lam tsang mädang hta nga na rai yang anhte a akyu hpyi ai lam gaw Kărai Kăsang a hpăran hpăreng ai lam hte bung pre nga ai. Dai gaw Mădu a măt sun ai lam ni hpe jeyang gălaw ai lam rai na re – Shr. 8:3-5.
- H. Anhte gaw samsing seng ai tsang mädang hte samsing seng ai ahkang aya nga ai shăra de du wa nna, dai zawn ahkang aya mädun ai akyu hpyi lam ni hpe hpaw tsun lu ai lam nga wa ai shaloi, anhte gaw tingnyang ntsa hta nga nga nna, Mădu Kărai hte arau ning ngai nga lu ai – Eph. 2:5-6, Shr. 3:21, mädun; Eze. 1:26.
 1. Dai aten hta anhte akyu hpyi ai lam gaw ahkang aya mädun ai akyu hpyi lam sha n-ga, ning ngai nga ai kyu hpyi lam mung rai nhtawm, anhte akyu hpyi ai lam gaw Kărai Kăsang a hpăran hpăreng ai lam, Kărai kăsang a up hkang ai lam hpe jeyang gălaw ai lam rai wa ai – Rom. 5:17, Mat. 18:18, Shr. 8:3-5.
 2. Anhte gaw shărin la na mätu ra shawng lam nga yang, anhte gaw Kărai Kăsang a htani htana yaw măt sing hpe ngut kre hpring tsup ai lam a mätu dai zawn re akyu hpyi lam ni hpe hpaw tsun dan lu ai shăra de anhte du wa lu na rai nga ai – Eph. 1:10-11. 3:9-11.